



COMUNE DE PIAGHE
Provìnzia de Tàtari
Piata S. Pedru n°1 – 07017 Piaghe

ORIGINALE

Registru Generale n. 12

ORDINÀNTZIA DE SU SÌNDIGU
N. 6 DE SU 13-05-2023

Ufitziu: PROTOCOLLU

Ogetu: Òbligu de segare sas frascas e de nche l'as bogarei dae su perimetru de sa bidda intro de su 1° de Làmpadas 2023

S'annu duemìgia e bintitres sa die treighi de su mese de maju, su Sindigu Sotgiu Carlo

PREMISSO CHI s'abbandonu, sa trasgudaresa e sa mancàntzia de una manutentzione pretzisa de su "birde" dae parte de sos proprietàrios o condutores de fundos o àreas chi sunt in su territòriu comunale, a làcanas o non cun caminos pùblicos podent èssere perigulosas pro sa salute pùblica e pro s'incolumidade pùblica in cantu sa presèntzia de ervas e vegetatzione areste podet determinare una crèschida de babautzos chi noghent, comente sa tzica, e mescamente si custa vegetatzione est sica podet èssere unu perigulu pro sa difusione de sos fogos ;

BIDAS:

- Sa deliberatzione de sa G. R. n°17/53 del 04.05.2023 cun sa cale benint aprovada sas Prescritziones Regionales Contra a su fogu in sos tre annos 2023/2025;

BIDU s'art. 50 de su decretu legislativu 18 austu 2000, n. 267;

BIDU s'art. 16 de sa lege 16.01.2003, n°3;

BIDU su regulamentu comunale pro su protzedimentu sanzionatòriu chi pertocat sas violatziones a sos regolamentos comunales e a sas ordinàntzias sindacales e dirigentziales;

Ò R D I N A T

1. A intro su tèrmine tassativu de su **01 de LÀMPADAS 2023** a totu sos proprietàrios, afituàrios o condutores a cale si siat titulu de àreas e cortes in zonas urbanas, de providere a nde segare sas frascas e a nde las bogare chi ant a chèrrere eliminadas segundu sa normativa vigente.
2. Est proibidu de brusiare sas frascas in tota sa bidda. Si podent brusiare solu a fora de sa bidda a poi de autorizatzione de su Corpo Forestale e de Vigilàntzia Ambientale, segundu sos tèrmines e sas modalidades istabilidas in sas prescritziones regionali contra a su fogu,

3. A intro de su matessi tèrmine sos proprietàrios, afituàrios o condutores a cale si siat titulu de terrinos in campagna a làcanas cun caminos vicinales o comunales, divent segare sos ratos chi dae sa proprietade nd'essint in sos caminos e si b'at bisonzu regulare sas matas postas a serrare sos terrinos nados.
4. Cunforma s'art. 16 let. e) de s'allegadu a sa deliberatzione de sa G. R. n°17/53 de su 04.05.2023, sos proprietàrios e condutores de sos terrinos postos in sas àreas urbanas perifèricas o in su tessutu urbanu, divent realizare, in totu su perimetru, e cun sas modalidades de cale a sa litera a) de su matessi art. 16, de sas fàscias protetivas privas de cale si siat materiale sicu chi at largària no inferiores a 5 metros;
5. Sos interventos de cale subra ant a dèvere èssere efetuadas a manera tzìclica in modu de garantire sa pulitzia perfeta e manutentzione de sos logos finas a su 31 de santugaine de su a.c.
6. Est vietadu su pàsculu de gamas e bestiàmine a intro de su perimetru urbanu siat in àreas privadas che pùblicas.

Ogni infratzione a sa presente ordinàntzia, at a èssere punida cun sa santzione amministrativa da € 75,00 a € 500,00 (p.m.r. € 150,00), si aplicat sa protzedura de cale a su regulamentu subra nadu.

Sos òrganos de controllu chi atzertent violatziones a sa presente ordinàntzia, a s'atu de sa verbalizatzione de s'infratzione, difidare sos trasgressores a providere a s'acumprimentu de cantu subra ordinadu intro e non ultres chimbe dies dae sa data de sa notifica o contestatzione de sa violatzione. In casu de mancadu acumprimentu in sos tèrmines de cale subra, si providit d'ufitziu cun revesas de sas ispesas a gàrrigu de sos trasgressores.

Cuntràriu sa presente ordinàntzia, cunforma a s'art. 3, comma 4, de sa lege n°241/90, podet èssere postu ricursu a su T.A.R. Sardigna intro 60 dies o in alternativa ricursu istraordinàriu a su Presidente de sa Repùblica intro 120 dies dae sa data de publicatzione.

Sa presente ordinàntzia at a intrare in vigore dae sa data de sa publicatzione sua a s'albu pretòriu on line.

Manda a s'albu pretòriu pro sa publicatzione, a su Cumandu de Politzia Locale e a totus sos òrganos de sa Fortza Pùblica pro s'esecutzione.

Lèghidu e sutascritu a norma de lege.

SU SÌNDIGU
Sotgiu Carlo

